

Werbrouck

Werbrouck
Werbrouck

Not a. P. 1000 - 1000
1000 - 1000 - 1000
1000 - 1000 - 1000

ILLUSTRISSIMO
A C
REVERENDISSIMO
DOMINO
D. JOSEPHO ANSELMO
WERBROUCK

EX
ANTISTITE RURÆMUNDENSIIUM
XIV. ANTVERPIENSIIUM
EPISCOPO
IN SOLEMNI AD CATHEDRAM SUAM
ADVENTU

Gratulatur & Applaudit cum suo Gymnasio
Societas Jesu.

ANTVERPIÆ M. D. C. C. XLVI.



ANTVERPIÆ, Apud Viduam JACOBI BERNARDI JOURET.

REVISTA DE LINGÜÍSTICA

2

REVIEW OF LINGUISTICS

1951

DE LINGÜÍSTICA

DE LINGÜÍSTICA

2

REVISTA DE LINGÜÍSTICA

REVISTA DE LINGÜÍSTICA

REVISTA DE LINGÜÍSTICA


REVISTA DE LINGÜÍSTICA

REVISTA DE LINGÜÍSTICA

(Hierbrouck) Illustrissimo

M. 24. 191

REVISTA DE LINGÜÍSTICA



P. B. Bouttats sculpsit.

ILLUSTRISIME

A C

REVERENDISIME

DOMINE.



Etales Urbi, Diœcesique ANTVERPIENSI annos fuisse oportet, quibus brevissimo sanè intervallo amisimus duos Virtute, Morumque sanctitate venerabiles, suâque electione dignissimos ANTISTITES CAROLUM atque GUILIELMUM PHILIPPUM, quorum memoriam grato semper animo sera prosequetur Posteritas. Inconsolabilis videbatur dolor noster, nisi REGINA nostra Augustissima, cui res Fidei & Ecclesiæ non minùs cordi sunt & curæ, quàm sui status Imperii, incredibili benevolentia, quâ subditos complectitur universos, solata publicum luctum ex magnorum PRÆSULUM decessu mœrentes omnium animos erexisset, absens absentes verbis materno verè ex animo profectis allocuta, Ite ad JOSEPH. Ivimus, & quam spem animo conceperamus, fore, ut mœrentium ac quasi sine PRÆSULE Ovium vota benignus exciperes, minimè falsam fuisse læti accepimus, dum Te quanto cum RURÆMUNDENSIIUM dolore, à quibus verus PASTOR avelleris, tanto nostrum omnium gaudio Sanctissimus Dominus noster BENEDICTUS loci & populi utilitate, atque

atque necessitate, ut veriùs dicam, cogente, electum nobis confirmavit.

Et quidni lætemur? Virum etenim nacti sumus omnibus naturæ, gratiæque donis ornatissimum, in quo Clerus exemplum officii sacerdotalis, Cives fautorem rerum civicarum, divites exemplar munificentiae in pauperes, pauperes Patrem verè misericordem, miseri Patronum SUAVEM, Oppressi Defensorem FORTEM; FORTITER enim & SUAVITER tuis, ut præfuissti alibi, & hîc præfuturum tua te gentilitia sat probant Scuta; omnes denique habemus, quod & veneremur & amemus, dum soli improbi, eorumque mores ante conspectum tuum erubescunt. Accedit modestia illa prorsus singularis, quâ benefacere contentus, amas nesciri tua beneficia: & tamen hæc ipsa rapit externos, rapit inquilinos, rapit etiam illos, quibus ipse es ignotus. Utinam in partem benevolentiae tuæ, quâ aded mirificè in omnium animos influis, quamque Tibi innatam ubique exseris, Nos quoque trahere non dedigneris: illam quidem hac rudiorè musâ conamur aucupari; sed minùs litterati sumus, ut Viro litteratissimo, cuius acerrimam ingenii iudiciiue vim nihil fallit, nihil subterfugit, placeat hic noster conatus, qui inter communes gratulantium applausus accedit demissior.

Erit igitur Humanitatis tuæ hoc quaecumque observantiæ erga Te nostræ monumentum benevolè accipere, & qui tam facilem omnibus ad Te accessum præbes, unis nostris musis aditum minime præcludere. Faxit interim Deus, ut sub Te consummatissimo in virtute & scientia ANTISTITE Juventus nostra non minùs piè, quàm sapienter accrescat, & in facundam segetem tua sub
umbra

(7)
*umbra latitans assurgat. Idem D. O. M. Annos meritis tuis
æquet, Teque ad Ecclesiæ suæ splendorem, Patriæ decus & orna-
mentum, proborumque omnium gaudium quàm diutissimè incolu-
mem servet.*

I T A
C U M
STUDIOSA SUA
JUVENTUTE
SOCIETAS JESU
ANTVERPIÆ.

ILLUSTRISSIMO
A C
REVERENDISSIMO DOMINO
D. JOSEPHO ANSELMO
WERBROUCK


XIV. ANTVERPIENSIVM EPISCOPO
Suo urbem adventu recreanti.



PRÆSUL adest, solare tuos, ANTVERPIA, Luctus,
Quem tibi ROMANA misit BENEDICTUS ab arce;
PRÆSUL adest, in quo CAROLI Pastoris avitam
Virtutem invenias, mentemque animumque PHILIPPI.

ILLUSTRISSIMO
A C
REVERENDISSIMO DOMINO
D. JOSEPHO ANSELMO
WERBROUCK

Ex Ruræmundensi Antistite
XIV. ANT'VERPIENSIIUM EPISCOPO.



En tibi, læta brevi quo fulsi tempore, PRÆSUL,
Squalida RURA mihi, quo discedente, relinquer:
Dent Tibi, dent *Superi* fatis melioribus uti,
Ut Te *Nestoreos*, ANVERSA, gubernet in annos !

OC CAR MEN
PANEGYRICUM
ILLUSTRISSIMO
A C
REVERENDISSIMO
DOMINO
D. JOSEPHO ANSELMO
WERBROUCK
XIV. ANTVERPIENSIUM
EPISCOPO

I N

SOLEMNI AD CATHEDRAM SUAM ADVENTU.



Uid letas inter voces , ac plena tuorum
Gaudia , deposito primævæ frontis honore ,
Et mæsto sparsis collo sine lege capillis ,
Usque adeò turpi squalens , *Antverpia* , luctu ?

Exactis quòd nondum annis fortasse duobus ,
Insignes virtute duos , & stemmate claros
Pontifices , *Pyliam* dignos æquare senectam ,
Guilielmum & *Carolum* tristi mors improba falce

Mes-

Messuit, & nostræ bona longè maxima in illis
 Eripuit Patriæ, mentesque animosque benignos,
 Sollicitumque gregis studium, curamque fidem,
 Multiplicemque stipem, & tenuis solatia plebis?
 Auguror (obscurâ nisi ludar imagine rerum)
 Hic est tantorum tibi fons & causa dolorum.
 Sed curas depone graves, suspiria siste,
 Votaque cum lacrymis; fusi quando undique cives
 Lætitæ dant signa novæ, reboantque triumphi
 Argumentum ingens, excelsas æra per arces,
 Mœniaque & turres, & festis emicat æther
 Ignibus, & lætæ resonant totâ urbe Camœnæ.
 Ecce novus tandem, viduo pergratus ovili,
 Quem longis REGINA potens evicta querelis
 Sidonio fulgentem ostro, Mitrâque Pædoque
 Conspicuum RURÆ voluit tibi mittere ab oris,
 PRÆSUL adest, placidæque affert nova gaudia pacis.
 Hinc tanto effusus studio, tanto agmine cives
 Per fora, perque vias ferri totamque per urbem,
 Plaudentes manibus circum, lætumque canentes
 Conspectis, insueto hinc audis fremere omnia plausu.
 Ipse Pater *Scaldis* fundo testatus ab imo
 Lætitiam, tristes vocat in solamina *Nymphas*.
 Ite, ait, ite alacres, cumulate altaria donis,
 Cæruleæ comites, viridique sedilia musco
 Instruite, & vitreis suspendite festa columnis.

JOSEPHI adventum læto celebrare cothurno
 Nos decet, & nostræ depromere gaudia mentis.
 At cùm festivis jam vocibus omnia fervent
 Undique, & ardenti studio præconia laudum
 In tua se cuncti, *Præsul dignissime*, fundunt;
 Haud certè nobis fas est abstinere cantu
 Ampliùs, indecorique palàm indulgère quieti.
 Ergo age, quas vati vires natura recusat,
 Suffice, *Phæbe* Pater, doctasque è monte Sorores
 Arida *Castalii* præcordia tingere fontis
 Rore jube, sacrumque animo inspirare vigorem.
 Tuque adeò trepidæ sub iniquo pondere menti
 Affer opem, gnarumque tui, Deus,ingere pectus.
 Non ego tanta meis expromere vocibus ausim
 Te sine; Tu facilem, monstrato tramite, cursum
 Expedies; festumque gravi tu fasce levabis.
 Te labor iste manet, si quem manet. Aspice, quantum
 Musa Virum, quanti præconia pectoris, ardet
 Carminibus celebrare suis. Non inclyta dignis
 Munia describenda modis, non maxima defunt
 Illius Ingenii monumenta, nec alta Tiaræ
 Ornamenta, sacro nec quas in pectore gestat
 Virtutes, Proavûm constans exempla securus.
 Quid vates primum inceptem? Me copia rerum
 In diversa trahit. Felicior ilicet aura
 Ecce venit *Parnasso*, & *Phæbus* versibus aptam

Inspirat mentem, ut pulchros in monte labores
Aonio, quæque ex illis decora orta recludam.

Tu placido, JOSEPHÉ, meos, quo cætera, vultu
 Respice conatus, nec amorem ex carmine cense.

Flandriacas inter famâ celeberrima *Nymphas*
 Urbs ingens (veteres *IPRAM* dixêre coloni.)
 Visitur, immensum primo quæ prima labori
 Explicuit campum, primæ cùm flore juventæ
 Fervescentem animis, & ad ardua quæque volantem
 Instituit juvenem, & Latæ primordia linguæ
 Inspirans, sensim studia ad majora paravit.

*Humaniori-
 bus Litteris
 Studuit Ipris
 apud RR. PP.
 Societatis Jesu.*

Prò quantis animis, quantâque cupidine laudis
 Illustri insistis studio! quàm nobilis ardor
 Te, JOSEPHÉ, urget primas auferre triumphi
Palladis in campo palmas, & tempora lauru
 Cingere, difficilisque decus decerpere pugna!
 Nil blandis opus est verbis accendere in altum
 Enitentem ultrò *Pindum*: omnes ocior euro
 Antevolas, turbamque procul miraris anhelant
 Terga sequi, victasque tibi submittere dextras.

Pegaseis bene tinctum undis, tellure relictâ
 Natali, juvenem magnorum clara *Duacum*
 Ingeniorum altrix, sedesque augusta *Minervæ*
 Fœcundo excepit gremio, strinxitque lacertis.
Socraticam hîc inter turbam præcellere prompto,
 Subtili, solido, facilique, omnisque capaci

*Duaci
 Philosophiæ
 operam dedit,*

Doctrinæ ingenio es visus : studia ardua quamvis
 Sint aliis *Logicæ* ; nihil impenetrabile ; opertum ,
 Ignotumve tibi : sed sicut *Cynthia* omnes
 Perlustrat radiis terras , sic cuncta sagacis
 Ingenii penetras radiis ; orbemque perosus
 Terrestrem , actutum nobis impervia visu
 Scrutaris convexa poli ; quid fulmina & imbres
 Procreet , humanas motura tonitrua mentes
 Quæ cieat virtus , quantâ vertigine cæli ,
 Et stellæ errantes , bislenaque signa ferantur ,
 Explorare juvat , parilique exquirere nisu
 Defectus solis varios , lunæque labores ,
 Et sua cur mutet moderatrix *Cynthia* noctis
 Cornua , & auricomi velox vestigia fratris
 Ponè premat , nunc ipsa prior contendat in ortum ,
 Nunc societ , dirimatque faces , medioque recedat
 Æthere ; quæque latent alios , manifesta patefcunt
 Illa tibi : natura sinus , secretaque pandit .
 Nec satis è sophiæ Victorem exisse palæstra :
 Illa animo sunt parva nimis , magis ardua poscis
 Prælia , majoresque ardes reperire labores .
 Ipsum adeò immensis pectus progressibus aptum
 Erigitur : mora nulla , tibi vel parva videtur
 Averfanda quies : cursu indefessus anhelò ,
 Implicitos quæ te sophiæ dissolvere nodos
 Edocuit , celebrem rursus contendis ad urbem .

Hic modò divinæ sacratæ volumina legis,
 Quæ vel *Apostolico* quondam sunt tradita sæclo,
 Assiduo volvis studio; modò deinde secutis
 Temporibus præsei sacris conventibus olim
 Quæ sanxere Patres, & quæ decreta nocentùm
 In stygias errorum acies, quæ fronte rebeli
Romanum excussere jugum, populumque sequacem
 Deludunt veri specie, falluntque veneno,
 Perdiscis, fidæque tenes hæc omnia mente.
 Quid, quod & abstrusos Fidei penetrare recessus
 Te juvat, & penitus rimari mente sagaci
 Sacra revelatæ *Triados* mysteria, magno
 Humanumque Deo unitum genus, altaque nullo
 Semine Virginei partûs miracula, quique
 Sacrificâ panis Caro *Christi* fiat in ara,
 Atque merum Sanguis: sed nec perquirere tædet,
 Quâ ratione homini septem signacula profint,
 Efficiantque Deo gratum, aut illius amorem
 Confirmet, *Christique* potens quæ gratia mentes
 Excitet, & læsâ nil libertate, rebelles
 Mortales animos, ac corda rigentia flectat.
 Nec tibi doctrinæ satis est penetralia sacræ
 Lustrasse; at gemini quoque vasta volumina juris
 Nocturnâ versare manu, versare diurnâ
 Cerneris, & tanto assiduè invigilare labori.
 At nihil est didicisse: palàm sed cuncta tueri,

Et conferre manus, pugnamque laceffere verbis
 Niteris oppositos contra imperterritus hostes.
 Ergo theses geminas gemino tutaris honore.
 Conveniunt Doctorum acies, & noscere pugnae
 Eventus ardent: medius stans ore sereno
 Ipse tui securus, & in certamina fervens
 Civiles juxta leges, Sacrasque tueris
 Impavidus; nec tu, licet atria vasta susurrent
 Certantum strepitu, & confuso murmure vocum,
 Intrepidus cedis; verum ridere frequentem
 Turbam oppugnantum, vibrataque tela videris
 Vertere in urgentes, proprioque occidere ferro.
 Ad tantam virtutem animi stupuere magistri,
 Atque triumphali reboantia pulpita plausu
 Victorem cecinere suum, dignumque putarunt,
 Qui duplicem referat pugna pro duplici Laurum.

*Juris utrius-
 que Laureâ in-
 signitus est.*

*Oblatis Deo
 primitiis,*

Interea jam tempus erat divina sacrare
 Primum ritè Deo Cœlestis pabula mensæ,
 Pabula, quæ placant iratum ob crimina cœlum,
 Mortalesque Deumque inter, ne fulmina vibret,
 Humana medium statuunt pro plebe ministrum.
 Hic superi plausere tibi, tibi plausit olympi
 Aligerum pennata cohors his vocibus usa:
 I felix, Joseph, Sacrisque operatus ad aras
 Divinum hoc munus dignis virtutibus imple,
 Et, quoties dabitur placando offerre Parenti

Æter-

Æterno sinè labe Agnum , semperque placentem
 Æquævam Sobolem , populique gregisque futuri
 Ex animo numquam pellant oblivia curam.

At Tu, sublimi quamvis decoratus honore ,
 Non minùs intenso studiorum ardore labores
 Continuas , tandemque datur contingere metam.

Famaque jam patrias latè volitare per urbes ,
 Et rerum vulgare magis decora alta tuarum ,
Flandriacis quandò *Morinùm* decus *Ipra* stupendum
 Urbibus , insignem votis optavit anhelis
 Aspectare oculis pugilem , & satiare videndo
 Ardorem , ac manifesta animi dare signa benigni.
 Quod simul ut potuit , spondens majora , suorum
 Illustri , summa sibi quos delegit in æde
 Conspicuos virtute viros , pietate verendos
 Adscripsit numero : juvat hîc , *Josephe* , morari ,
 Hîc ubi se dignum virtus tua nacta theatrum
 Immensa explicuit decorum ornamenta tuorum ;
 Crescentesque novis cumulavit honoribus annos.

*Ipris Canonici
 Graduat
 creatus est.*

Hîc primùm celebri , divus quem concitat ardor
 Ire sacerdoti comitem ad tecta agra ferenti
 Velatum nivea *Cereris* sub imagine numen ,
 Dignaris cœtû : nullum tibi munere in illo
 Æqualem , nulli te conspexêre secundum.
 Namque operi ram sancto insient ut fortiùs omnes ,
 Ipse sacrâ instructus tædâ , quò diva feruntur

*Præfatus fuit
 confraternitati
 venerabilis.*

Munera , tendis iter , non sævos vertice nimbos ,
 Non piceis horrens spirantes nubibus austros ,
 Nec rapidos , ardens affert quos *Sirius* æstus ,
 Brachiave intensi nimum ferventia *Cancræ*.

*Obiit munus
 Cantoris in
 Ecclesia Ca-
 thedrali divi
 Martini Ipris.*

Hilce inflammatus studiis , & numine plenus
 Jam sacrâ nactus *Cantoris* munia in æde ,
 Egrediis adeò munus virtutibus auges ,
 Præ reliquis ut sis primus , postremus & idem ,
Jessei quoties cantantur carmina *Vatis* .
 Nec satis : ut surgit , si flammæ alimenta ministros ,
 Ignis in æthereas alis pernicibus aurâs ,
 Sic tuus ille sacer , sacro quem pectore nutris ,
 Nescius includi spatiis , magis emicat æstus .

*Obiit munus
 Scholastici ibid*

Scilicet immenso si sint tranquilla labori
 Otia , in indoctum transfers discrimine nullo
 Ritè informandum divinis legibus agmen .
 Vos testes tenerorum animi , quibus ille tot annis
 Sedulus inspirans cœlestia dogmata pandit ,
 Muneribus , blandoque trahens sermone repentes ,
 Et meritis refragos pœnis ad debitâ cogens
 Munia *Christiadum* : quoties magnoque labore ,
 Assiduoque rudes conatu instruxit amore
 Numinis , eruditque sacris pia pectora rebus ?
 Hinc *Christo* similis , cujus fuit una voluptas
 Versari pueros inter , sacroque tenellos
 Dignari alloquio , totâ *Morinam* audiit urbe .

Usque adeò formare rudes jucundus olympos
 Est labor, æternum ut pariat per secula nomen !
 Nunc ô *Pierides*, laus maxima Præsulis ardor
 Augendæ fidei, teneros & cura docendi
 Cum nostras tulerit laudès, majora referte.
 Nec vobis labor iste gravis : fœcundior ecce
 Panditur hic laudum campus, divina patefcunt
 Atria, quæ *Pariis* refeunt monumenta tabellis
 Majoris Zeli, graviori extollere cantu
 Quem mea *Musa* parat. blandis, en aspice, verbis
 Ut sibi conciliet mentes : sint aspera quamvis
 Pectora multorum, miro moderamine flectit
 In quascumque cupit partes, vulgique procacis
 Indocilem turbam donis *Pater* omnibus idem
 Munificus recreat, miseræque incommoda sortis
 Forti animo perferre docet, durosque labores
 Vincere, & insignem meritis sperare coronam.
 Est & summa illi neglecta mapalia (virtus
 Namque humiles amat alta casas) lustrare cupido,
 Atque inopum solari animos, miserosque levare.
 Et veluti auxilium *Joseph*, quando ægra negabat
 Dona *Ceres*, sensit *Chanaan*, rabidâque *Canopus*
 Pressa fame, sensère *Arabes*, populique bibentes
Jordanem, sensère & odoriferi *Nabathæi* ;
 Haud aliter *Patris*, cui non sine numine divûm
 Obtigit accrescens *Josephi* & amabile nomen,

*Illust. benignitas, comitas,
 Lavgetis in
 pauperes.*

*Alluditur ad
 nomen Illust.*

Experiuntur opem, tristis quos urget egestas.
 Non variis tantùm patrias, quas possidet heres;
 Pauperibus dispertit opes; sed & exstruit ædes.
 Hinc benè communis, *Joseph*, atque omnibus unus,
 Dum stabit, quacumque suis urbs *Ipra* peraltis
 Murorum vallis, liquidisque rigabitur undis,
 Dicêris Patriæ *Pater*, oppressumque Patronus.
 Non tamen hæc fuerit crescentis maxima honoris,
 Non laudum pars summa Viri, decorumve corona.
 Pro tantis illi surget mox gloria rebus
 Amplior, æternum certè mansura per ævum.
 Dum loquor, en cineres extincti atque ossa sepulchro
Nomen Illust. defuncti. **FRANCISCI** abdiderat, tumulumque sacraverat umbræ
RURA dolens, meritosque aris libârat honores,
 Inferiasque suo plebs desolata Parenti
 Solverat; hinc precibus cœlum votisque fatigat
 Multa Deum obtestans, mœsto ut succurrere Ovili
 Annuat, atque orbos dignetur **PRÆSULE** cives.
 Nil juvêre preces miseros, dudumque relictas
 Nullus oves Successor agit, sententia tantæ
 Molis adhuc primo restans in limine pendet;
 Nec certum est, cui sacra parent moderamina Divi:
 Cùm subitò levibus multùm perniciosior auris
 Impatiens *Morinûm* sese concludere in urbe
 Ingens fama Viri *Austriacas* penetravit ad oras.
 Nulla mora est: **REGINA**, sui quæ gloria fecit,

*Austriacæ*que Domûs columen stirpisque paternæ ;

JOSEPHI reputans animum , linguæque disertæ

Eloquium , sensus acres , Virtutis odorem ,

Inclyta quo latè perfudit *Iprensia* dudum

Mœnia , deserto RURÆ designat ovili.

Quæ simul ut *Latiam* tulit expectatus in Urbem

Nuncius , æterni claves cui numen Olympi

Credidit , atque sibi dedit his succedere terris ,

Purpureum cogit Cætum ; quo ritè coacto ,

Reginæ exponit *Patribus* vota : ociùs omnes

Vota probant , partoque illi lætantur honore.

Ergo pedum , mitramque Viro , Pastoria defert

Signa , *Sicambrorum* & tradit *Benedictus* ovile.

Quis mihi *Mæonii* sacrum nunc pectoris æstrum

Excitet ? ô me per tenues si *Pegasus* auras

Tollat humo , pennilque ferat , fontemque recludat

Castalium , ut curam possim , studiumque regendi

Commisî gregis , & magnos conamine magno

Pro Cœlo ac Patria exhaustos memorare labores.

Vix bene *Geldriacæ* subiit sublimia Sponsæ

Mœnia , cùm varios cœpit firmare labantes ,

Errantesque greges ad sacram adducere caulam ,

Gliscentes sensim vitiorum & tergere sordes ,

Et leges , si fortè jacent , renovare priores ,

Inspirando animis primum virtutis amorem.

Nec satis : impositi Pastorem major ovilis .

Designatur
Episcopus.

Ure

Urget amor. Quæcumque videt sibi subdita circum
 Oppida, & agrestes sua jura reposcere pagos,
 Huc properat, cunctisque palàm exoptata tueri
 Ora datur; non sic *Phæbus* ferventior æstu,
 Difficile sive viæ anfractus, aut frigora brumæ
 Ardorem tardant; quocumque vel impigra amati
 Cura gregis mentem raptat, longo omnia lustrat
 Circuitu, qualis sublimis ab æthere summo
 Assiduo cursu Sol circumvolvitur orbem.
 Nec frustrà: ignavas tanti præsentia mentes
 PRÆSULIS inflammat, monitisque potentibus acti
 Sacra sacerdotes studio majore capeffunt.
 Quid cunctas memorem nullo discrimine gentes,
 Immenfa in tantum pietate flagràsse Parentem?
 Non soli candore animi & dulcedine capti
Geldrenses visi JOSEPHUM adamare: vel ipsi
 Duçtores *Batavi* rarâ Patris indole moti
 Impensis etiam studiis coluère, sui que
 Magna dedère illi monumenta ac pignora amoris.

Plura recensere, & reliquas longo ordine dotes
 Dicere prætereo, tibi, quando, *Anversa*, tueri
 PRÆSULIS ora tui, & sacros cognoscere vultus
 Jam datur: optatis fruire, & venerare parentem,
 Qui tua solemni scandit modò mœnia pompâ
 Spe major, famâ melior, Complectere Dextram,
 Quæ tibi semper erit certæ indubitata salutis

Anchora , depositumque tibi læta excipe pignus.

Hic vir , hic est , cæco qui condet FORTITER orco

*Alluditur ad
Lemmas*

Tartareas pestes , & lucifugas harpyjas ,

Et quidquid prodit dirarum ab sede sororum

Exitii , sacro FORTIS qui pellet ovili.

Sed pepulisse parum est : teneros , quos credidit æther ,

SUAVITER ille agnos , ut SUAVIS pastor , habebit.

Sic fore , sic spondent , per quos se digna reportat

Præmia , Cœlicolæ , & vigiles , quas Geldria dudum

Obstupuit , spondent curæ , quosque Ipra , labores.

At nunc meta eadem numeris & honoribus esto.

Et licet eximii plectro dignanda Maronis

Sint minùs excultis rerum decora alta tuarum

Decantata modis , nostras ne respue Musas.


Antè tamen posito vates quàm sine quiescam ,

Unum oro , longæ superi dent tempora vitæ ,

Dent tibi canitiem sacram , dum te tua virtus

Nestore majorem , meritis spectabilem & annis

Cœlesti divos inter statione reponat.



ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Deum colentes Protegenti
 FORTITER



P.B. Boutats, sculp.

*Ille operum Custos. Virg. IV. Æn.
 Ille operum Custos Serpentes FORTITER arcet,
 Ne tristi Catulos fraude perire sinat.
 Hic Ovium Custos (stygii procul ite Dracones)
 Tartareâ nullas fraude perire sinet.*

ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Suos ad Dei Cultum allicienti
 S U A V I T E R.



P.B. Bouttats. sculp.

Animum dulcedine movit. Virg. L. XI. Æn.
 SUAVITER ecce *Leo* gestu nutuque *Catellum*
 Allicit, allectum lacte *Leæna* fovet.
 Alliciet JOSEPHUS *Oves* ad Pabula CHRISTI
 Ut *Pater*, allectas *Matris* adinstar alet. D

ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Errantes increpanti
 F O R T I T E R.



P.B. Bontats. sculp.

Sumpſiſſe merentis
Laudabor pœnas. Virg. L. II. Æn.
 Discordes, patrio licet amplectatur amore,
 In Catulos sævit FORTITER ungue Leo.
 Non hac Corripiens abludit imagine PRÆSUL:
 FORTITER ungue Leo, FORTITER ille Pedo.

ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Afflictos consolanti
 SUAVITER.



Lenire dolentem
Solando cupit. Virg. L. IV. Æn.
 Ater ab inflicto dum manat *Vulnere* sanguis,
Antor qui fuerat *Vulneris*, ipse levat.
 Haud aliter, PRÆSUL, si quæ sint *Vulnera*, sanas
 SUAVITER, à lapsu si resipiscat *Ovis*.

ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Pro grege pascendo Labores ferenti
 FORTITER.



P.B. Bouttats sculp.

Nec mortem horremus. Virg. L. X. Æn.
 Saxa per & vepres, pluviosque è nubibus ignes
 Intrepidus Catulis fert alimenta Leo:
 Nec te, PRÆSUL, Oves pascentem dira movebunt
 Fulmina, nec quidquid sævius orcus habet.

ILLUSTRISSIMO
 A C
 REVERENDISSIMO DOMINO
 D. JOSEPHO ANSELMO
 Suorum Deo fervientium
 labores sublevanti
 S U A V I T E R.



Currum subiêre Leones. Virg. III. Æn.
 SUAVITER ecce jugum FORTES subiêre Leones,
 Sarcina ne Domino sit garyis, ulla suo.
 Tu, ne succumbat, nimiove labore fatiscat,
 SUAVITER assumes pro Grege FORTIS onus,

O D E

A D

CIVITATEM ANTVERPIENSEM

I N

A D V E N T U
I L L U S T R I S S I M I

A C

REVERENDISSIMI DOMINI
D. JOSEPHI ANSELMI
WERBROUCK
XIV. ANTVERPIENSIIUM
E P I S C O P I.

O Erre pulso, parce volubilem
 Lugere mœsti temporis orbitam,
 Dudumque protractos labores,
 Nec veteres renova querelas;
 Quando tuorum vota Clientium
 Prospexit alto Numen ab æthere,
 Lucumque solvens expetita
 Sorte dedit meliore fata.

Lux illa tandem fulsit amabilis ;
 Lux incolarum meta doloribus ;
 Cedant sepulcrales cupressi ,
 Stent oleæ , viridesque lauri.
 Lux illa fulsit , quâ toties gregi
 Desideratus Pastor adest novus ;
 Augusta Regnatrix MARIA
 THRESIA cui meritos honores
Antverpianæ contulit infulæ ,
 Probante *Roma*. Mœnibus en tuis
 Inter sonantes ære turres ,
 Fulmineosque venit fragores.
 Applaudit æther conscius & favet ;
Phæbus quadrigis vectus eburneis
 Orbem serenat , recreatque ,
 Et facibus rubet aura festis.
 Fugère nubes. Lenè fluentibus
 Vides ut undis *Scaldis* eat Pater ?
 Caput virenti cinctus algâ ,
 Lætitiâ fremit insolenti.
 Ridente cælo *Naiades* prope
 Per læta ludunt flumina , nec suis
 Desunt choreis & *Camænis*
Scaldivagæ , Patriæque *Nymphæ*
 Congratulantes. Tantus amor tui est ,
 JOSEPHE , vultûs ! perge faventibus
 Intrare divis , PRÆSUL , urbem ;
 Gratia cum gemina Sorore
 Candor pudicus , Spes , Amor , & Fides ,
 Virtusque prudens , aurea Faustitas
 Vindex novatoris QUENELLI
 Religio , & Pietas sequuntur.

Hinc universo cū populo Sacer. filii, & bene ali. & I
Gaudet Senatus, Clerus, & Ordines

Deo perennè dedicati

Religione tenacioris

Thuris *Sabæi* fumat odoribus
Ara, & litando pulchrior hostiis

Invitat, ut solvant Tonanti

Et duplicent sua vota cives.

Urbs chara Divis, gloria *Belgii*
Decusque nostri, præscia si modò

Præsaga vatum mens futuri est

Fatidicis agitata *Musis*

Huc verte mentem, scutaque PRÆSULIS
Quantam ominari te faciant, vide,

Felicitatem. O quanta spondet

Tessera, quam decorant Leones

His ille fortis tristia crimina,
Et evagantis jura Licentiæ

Diffringet, infernoque victor

Bella geret metuenda regno.

His ille fortis destruet hæreses
Prodi dolentes, dissimulantium

Technas virorum: virulentis

Mille licet veniant sagittis,

Hæc ille fortis spicula conteret,
Arcusque frangens exitio dabit

Quodcumque sub terris nefando

Styx genuit scelerata partu.

5. Propositiones *Fansenii* Scetæ nefandæ perfida bellua,
¶ 101. Quæ- Quinis ab orco cornibus exerat

colla Ferale collum, ultraque centum
Terribilis capita alta jacter;

Hoc Ille monstrum fortior Hercule ,
 Qui vicit olim lerniferam face
 Hydram , & Cleoneum leonem ;
 Sternet humi manifestus ultor.
 Anversa persta firma Leonibus ,
 Nihil timendum est , irruat igneos
 Complexa Serpentes Megara ,
 Et piceas vibret atra tædas.
 Ut magna sint hæc , augurio tamen
 Majora restant , quæ Patriæ bona
 PRÆSUL daturus : hæc colores
 Et niveus rubescque pandunt.
 Proh ! quanta labis nescia Castitas
 Intaminatis splendida honoribus
 Par pene divis , & vel ipsi
 Invidiam paritura Olympo
 Ex ore lucet ! pectora Numinis
 Spirant honorem ; zelus & intimas
 Urit medullas , quo suorum
 Sollicitus vigilansque Pastor
 Ardet salutem : rebus in omnibus
 Privata quævis commoda negligit ,
 Durosque semper mente FORTI
 Impiger aggreditur labores.
 Non Capricorni frigora Sideris ,
 Non Solis ardor , non iter invium ,
 Non umbra , nocturnusque terror ,
 Non sterilis sitiensque sylvæ
 Tardant euntem , quæ Sacer impetus
 Urget tenacem propositi virum ;
 Non ipsa percellunt feroci
 Antra sono , & rabie ferarum

Allusio ad epi-
 graphen Illus-
 trissimam, FOR-
 TITER &
 SUAVITER

Timenda. Quid quod singula perspicax
 Per se ipse lustret? Quid quod & omnium
 Laboriosas res suorum

Unus agat, dirimatque solus?

Hæc FORTITUDO; cætera SUAVITAS

Sibi reposcit, pars quoque debitæ

Dicenda laudis, gloriæque,

Qua populo patriæque fulget.

O quam sereno semper amabilis,

Latoque vultu SUAVITER omnibus

Placere gaudet, & novorum

Grande supercilium *Catonum*,

Moresque solers despicit asperos;

Aut hos benigna mente potens trahit,

Sui vel invitis amorem

Eliciens, studiumque recti!

Hæc enitentem *Geldria* PRÆSULEM

Virtute vidit, seque caloribus

Ardere Sacris læta sensit,

Quos animo peperit benigno,

Ubique cœlo semina suscitans,

Qualis coruscus Sol habitabiles

Transcendit oras, & feraces

Reddit agros, gravidatque fœtu.

Anversa felix! nam pariter Tuis

Talem, ut *Sicambris*, vaticinor fore,

Talemque, ut *Ægypto*, JOSEPHUM

Temporibus tibi luctuosis.

Felicitatem, dum cerealia

Fœcundiori munera tempore

Per tota *Memphis* regna JOSEPH

In steriles cumulavit annos,


Allusio ad
nomen JO-
 SEPH

Vines *Canopi*: PRÆSIDE sub tuo
 Cantata priscis aurea seculis
 Ætas resurget, & benigno
 Terra feret bona quæque partu.
 Alter JOSEPHUS judicio reget,
 Alter JOSEPHUS consiliis aget,
 Quod spectat ad recti tenorem,
 Et placidâ ratione flectet.
 Virtus & addet vim sapientiæ
 Æquâ coërcens lege potentiam
 Livoris, insultûs iniqui,
 Fraudis, avaritiæque vindex.
 Hæc & Sacrarum FORTITER Ædium,
 Ritûsque aviti jura tuebitur
 Adversus Orcum, nec resistet
 Tergeminâ sibi fauce Custos.
 Hæc augurari me jubet alterum
 Insigne nomen PRÆSULIS: ut suis
 ANSELMUS olim, sic & ille
 Præsidium, columenque stabit.
 Ergò PHILLIPPI funeris immemor;
Anversa, vestes exue lugubres,
 Comptisque ad ornatum capillis;
 Et Patriis comitata *Nymphis*
 Vultu sereno suscipe PRÆSULEM
 Inter tuorum publica gaudia,
 Interque gratantum catervas
 Suppliciter venerare dextram:
 Jô JOSEPHUS, cum populo cane,
 Jô triumphet PRÆSUL amabilis!
 Dum plenus & laudum & dierum
 Ad Superos abeat Penates.

*Allusio ad
 nomen AN-
 SELMI.*

*Nomen il-
 lustrissimi nu-
 per defuncti*

ILLUSTRISSIMO
A C
REVERENDISSIMO DOMINO
D. JOSEPHO ANSELMO
In custodiendo Grege
vigilantissimo.



P.B. Bouttats, sculp.

Excubat, exercetque vices. Virg. Æn. IX.
Quis malus accedat propius, tentetve nocere,
Dum vigil hic Custos *Excubat* ante fores?
Audeat *Hæreseos* stygium quis spargere virus?
Toxica nulla Gredi, Te *Vigilante*, nocent.

ILLUSTRISSIMO
A C
REVERENDISSIMO DOMINO
D. JOSEPHO ANSELMO
Virtutibus omnibus ornatissimo.



O ! Digno conjuncta Viro ! Virg. ECL. VIII.
Scuta virum memorant : Aurum cœlestia amantem ,
Constantem Rubens comprobat esse color :
Pacificum & Castum Duplex argenteus orbis ;
Et FORTEM & SUAVEM junctus utrimque Leo

APPLAUSUS

CONVIVALIS

P A R S I.

DUm ereptum sibi luget PHILIPPUM Antistitem cum *Pastoribus Scaldis*, adest *Mosa* cum suis, qui DAPHNIDA suum, viduo ut Ovili præsideat, adventare nuntians suum ex PRÆSULIS discessu conceptum, quem *Scaldis* solari nititur, dolorem indicat.

P A R S II.

S*Caldis* hoc nuncio multum recreatus, de apparatu, quo IL-
LUSTRISSIMUM dignè recipiat, cum *Pastoribus* deliberat, omnesque ad communem lætitiæ significationem adhortatur.

P A R S III.

S*Caldis* DAPHNIDI ad urbem appropinquantî cum suis alacris applaudit, ejusdemque laudibus ritè celebratis, festivos inter cantus debitum sinceri amoris munus persolvit.

PER-

P E R S O N Æ

SCALDIS

Mathias Henssens conv.

MOSA

Joan. Bapt. Cornelissen.

P A S T O R E S .

MOERIS

Franc. Xav. le Kuys.

PALÆMON

Arnoldus vanden Cruyce.

TITYRUS

Adrianus Hoffmans conv.

AMYNTAS,

Benedictus Beeckmans.

DAMÆTAS

Constantinus Nanteuil

ALPHESIBOEUS

Joan. Bapt. de Bie.

A D M A J O R E M D E I
G L O R I A M



PERSONAL

of the

PERSONAL

of the

of the

of the

ADAMANT



1871

8. 46
APPLAUSUS PANEGYRICUS

ILLUSTRISSIMO , AC REVERENDISSIMO

D O M I N O

D.^{NO} JOSEPHO ANSELMO
FRANCISCO WERBROUCK,

EX CATHEDRA RUREMUNDENSI

Dei, & Apostolicæ Sedis Gratiâ

DECIMO-QUARTO ANTVERPIENSIUM

E P I S C O P O

Festâ , & Solenni universi Cleri , ac
Populi acclamatione Antverpiam
Ingrediendi Anno 1746. 12. Maii.

CHRONICON.

INTRAT JOSEPH ANTVERPIENSIS
ANTISTES , MOSES POPULI DUX,
AC LUX.

JOSEPH GAUDIUM , PACIFICUS INGRESSUS TUUS
GENTIBUS GRATUS.

PRÆSUL adest *Anversa* tuus ; *Ruremunda* querelas
Fundit , & hic plausus tollis ad astra novos.
Maeste animis : lætos mecum quæso indue vultus
Advenit JOSEPH , qui tibi tutor erit.
Ordinar ? ANSELMUS vitam libet ordine pandam ?
Sit meus ad *pindum* Ductor *Apollo* sacrum.
Non negat *Ipra* Virum primis florentibus annis ,
Omnibus exemplum qui dedit ille bonum.
Ulterius pergo : testatur & ecce *Duacum* ;
Dùm satis ingenii dat monumenta sui.
Hic satagit dùm toto animo penetrare sophiæ
Abdita , dùm studiis nocte , dieque vacat.
Nondùm finis adest , laurum nam juris adeptus ,
Cantorem *Cathedræ* cernit & *Ipra* suum.
Ille juventutem docuit sacra Dogmata CHRISTI.
Pastoris munus tempus in omne subis.
Pauperibus tua larga manus , qui pascis egenos ,
Ac illis nummos porrigis usque tuos.
Non metuis PRÆSUL totas haurire crumenas ;
Nam Deus est merces sic tua magna nimis.
Jam tuâ per totum virtus penetraverat orbem ,
Et vaga per Cœlos sponte petebat iter.
Sic meritò misit tibi *Cæsaris* Aula Tiaram ;
Idcirco JOSEPH te *Ruremunda* vocat.
Præfulis officium summâ cum laude peregit ;
Dùm sibi commissi candida forma gregis.
Quæ sua sunt alii privataque commoda quærant ,
PRÆSULIS est agnis obsequiosus amor.
Non ut se pascat , proprios sed pascat ut agnos ,
Quam sibi plus agnis hic cupit esse benè.
Una placet virtus , pietas sibi sola probatur ,
Delecta arbitrio sunt ea dona tuo.
Quod Deus elegit , quodque elegere beati
Deligis , & quovis tempore PRÆSUL amas
Sic charis Rutilas populis , lux corda serenas ;
Jugiter ut possint illa placere Deo.

Novit enim mundus quantum pro gente labores ,
 Quamque bonus Sacrum Pastor ovile regas.
 Ad montem hunc si sacra petens Ecclesia fidum ;
 Infracta stabit tempus in omne fide.
 Interea si fortè gregi trux ingruat hostis ,
 (Quòd Deus avertat) quam generosus erit.
 Commissas defendit oves , sub PRÆSULE tanto
 Felices gentes , vestra cupita salus.
 Ille Vir est *Anversa* potens memorandus *Aaron* ;
 Indè tibi auxilium , subsidiumque venit.
 O benè felices Cives ! modò plaudite JOSEPH.
 Advenit vobis Frater , & ille Pater.
 Sex fortes tua Scuta ferant JOSEPHÆ Leones.
 Est *Leo* virtutis tessera viva tuæ.
 In te , ANSELME , nitet virtus , & promicat ardor ,
 Atque *leonino* digna parente facis.
 Teque humilem , mitemque Virum virtute *Leonem*
 Cernimus , & decus est , illius esse genus.
 Plura docet JOSEPHÆ *Leo* , sunt mella *Leoni* ;
 In lacero *Samson* invenit ore feri.
 Eloquii præstans , & Majestatis honore ;
 Lingua tua , ô PRÆSUL ! munera mellis habet.
 Cui comes it comis gravitas , cui gratia verbi
 Rara , Dei verbum dum feris , ore sedet.
 Vox tibi melle scatet , tibi mens est melle repleta :
 Lingua favens ovibus , lingua suavis , amor.
 Mellea sit cordi candor virtute micanti ;
 Si comes illa tibi , sic favet usque gregi.
 O quanta in vultu gravitas ! & vivida virtus !
 Purpureæ lucet quam benè juncta togæ.
 Si sacro stygius lupo infidietur ovili ,
 Nil agni vigili , hoc , quod vereantur , habent.
 A grege tartareos potis es cohibere *Leones*
 Horrentes contra qui solet ire jubas.
 Commissas sic PRÆSUL oves servabit , & agnos ;
 Et tutus toto cum grege Pastor erit.
 Non ut se pascat , proprias sed pascat ut agnos ;
 Quam sibi , plus agnis hic cupit esse benè.
 Quin balabundas animas prædatur , ut orco
 Eripiat , CHRISTI subjiciatque jugo .

Hâc prædâ gaudet , captamque adscribit olympos ,
 Sic gregis , & Domini consulit ille bono.
 Est *Leo* magnanimus , validis *Leo* viribus audax ,
 In prædam , & latebras illius ardor agit.
 Sunt animæ prædæ , Divinæ symbola mentis ;
 An quidquam his prædis ditius orbis habet ?
 Ut capias animas , generoso corde per omne
 Curris , quo latitas plurima præda nemus.
 Numinis auspiciis terras acherontica monstra ,
 Doctus es è latebris bruta ciere suis.
 Testis erit *Ruremunda* mihi , dum è faucibus orci
 Eripuit prædam , præsidioque fuit.
 Nonne vides quantos referat virtutis honores ?
 Doctrinæ quantus surgat ab ore decor ?
 Te sophiæ munit ratio , prudentia juris
 Dirigit , exornat lingua , Camæna beat.
 Dum vestrum officium cum mundo si quid agendum
 Exigit , id modico tempore parcus agit.
 His meritis clarus non es tumefactus honore ,
 Inficit haud mores gloria vana tuos.
 Inclyta nam virtus animum perfectius ornat ,
 Mens satis in pulchro corpore , pulchra nitet.
 O benè ! felices *Anversæ* plaudite , vobis
 Propitio *Moyse* destinat axe Deus.
 Ductor erat , certasque vias ad sidera stravit ,
 Et sibi commissum pavit amore gregem.
 Idcirco *Isacidum* meruit gestare Tiaram
 Pastor , & hoc virtus digna favore fuit.
 Nè Cives *Anversa* tui per devia currant ,
 JOSEPHUS WERBROUCK PRÆSUL hic aptus erit.
 Ejus virtutum benè si vestigia carpat ,
 Non poterit populus devius ire viâ.
 Sic tibi commissam JOSEPHUE tueberis urbem ,
 Aris , proque focus Pastor amore facis.
 Undique nunc populus tanto sub PRÆSULE gaudet ;
 Talem , grex totus gaudet habere Patrem.
 A DOMINO id factum , tantas pro munere grates
 Solvere quis poterit , dic mea musa mihi.
 Quod tibi multiplex reddet pro munere munus ,
 Nil tuus hic vates , quod dare possit , habet.

Singula quid memorem? cum dixero millia centum ,
 Millia plus centum sunt reticenda mihi.
 Ingreditur , tantis glormerantur compita turmis ;
 Et populi toto fluctuat unda foro.
Anversi applaudunt , nova lux spectatur in urbe :
 Advenit JOSEPH undique clamor adest.
 Tu Columen FRANCISCE meum , nova gloria gentis ;
 Sic Urbi toti gaudia magna paris:
 Lætitiâ exulto , dùm cerno pacis amantem ;
 Ferte triumphales ad mea metra tubas.
 Sit Deus hoc gratum Superis ; augmentaque donet ,
 Munificus tribuit qui bona cuncta Deus.
 Purpura Sanctorum tunc gloria vestiet artus ,
 Et corpus rutili solis adinstar erit:
 Major eris , facto capies dùm digna labore
 Præmia , quæ Sanctis dat Deus ecce suis.
 Sic voveo , cupioque tui pia vota clientis
 Respice , quæ parvo carmine musa facit.
 Hoc tibi concordēs *Capucini* ex corde precantur :
 Sæpius ex parvo munere magnus amor.

A P P L A U S U S

E M B L E M A T I C U S.

E M B L E M A I.

Exhibetur Pastor ovium cum grege.

Pastor est ovium. Joan. cap. 10. vers. 2.
 Lemma. *Invigilat Pastor.*

Sollicitus dùm *Pastor* oves in pascua ducit.
 Adversus *vigilat* tempus in omne lupos :
 Nàm *bonus* ut *Pastor* vigiles perducere noctes ,
 (Nè lupo invadat) sic venerande soles.
 Qui *bonus* est *Pastor* , pius est , felixque vocandus ,
 Prosperitas multum cum pietate valet.
 Nàm bonus Antistes commissum servat ovile ;
 Principium vestrum finis , & ille scopus.
 Pascua si desint , morbo si fortè laboret.
 Grex , *Pastore* pio qui moderatur , eget.
 Declinare lupi rabiem , vultumque leonis ,
 Et pia *Pastoris* sollicitudo docet.

Tu pius, & felix, qui curam ducis ovilis:
 Hâc duplici in terris conditione Regis.
Invigilas Pastor, Pastor bonus esse probaris,
Invigilas sacro nocte, dieque gregi.
 Nè prædam capiat, magnâ pius usque repellis
 A grege tartareum sedulitate lupum.
 Nè pereat, revocas, quædam si forsitan errat,
 Atque tuis humeris languida fertur ovis.
 Quæ pascant animos Cœlestia dogmata præbes,
 Grex benè sic sanus cernitur esse tuus.
 Ut modò sic semper *Pastor bonus* esse labora
 Non nisi perfectò laurea fine datur.
 Fac ergò ut fias majori munere *Pastor*;
 Fac *Pastor* valeas jugiter esse *bonus*.

Chronicon.

VIVAT DEO IN ÆTERNUM JOSEPH WERBROUCK EPISCOPUS
 ANTVERPIENSIS.

E M B L E M A I I.

Exponitur gallina pullos congregans sub alas.

*Volui congregare filios quemadmodum gallina congregat
 pullos suos sub alas. Matth. cap. 23. vers. 36.*

Lemma. Pullos servat gallina sub alas.

EN gallina tegens alarum tegmine Pullos.

Dilectos fœtus quæ studiosa foveat.

Pullorum gallina (patet) fidissima: Custos

Invitat pennis, sub pia membra vocat.

Explicuit plumas, nutritque, foveatque, tegitque,

Gallinæ vigili non datur ullâ quies.

Invitat *gallina* omnes plenissima curis,

Omnes æquali mater amore foves.

Non sibi met parcit nutrit *gallina* sub alas,

Semper amat pullos, invigilatque gregi.

Cristati *gallina* typus modò fœmina galli

PRÆSULIS, invigilat nutrit & ille foveat.

Maternas dilecta veni nunc turba *sub alas*;

Turba sub his tutò tota latere potes.

Miraque res amor est gratis sua munera fundit

Cum puero ludet, cum sene tristis erit.

Fortiter urit amor, patris præcordia lædit.

Unus amor Domini, delictumque sui.

PRÆSULIS in curas animus deducitur omnes ,
 Omnibus auxilio promptus adesse suo.
 Passus es & varios pro Relligione labores :
 Despice sudores ; omnia vincit amor.
 Magno quam mater nati retinetur amore ;
 Sic tibi subiectos PRÆSUL amore tegis.
 Es vigil ANTISTES , nos te veneramur honore ;
 Nàm bonus ut Pastor , qui benè ducit oves.
 Si sacro stygius lupo infidietur ovili ;
 Mente colit Superos , invigilatque gregi.
 Quæsumus ut nostris sint astra faventia votis ,
 Sit gratus Superis PRÆSULIS ille labor.
 O PRÆSUL venerande ! placet tua cura tonanti :
 Pro vestrà curâ sit tibi vera quies.

Chronicon.

UT GALLINA CUSTODIT PULLOS, SIC QUOQUE
 JOSEPHUS EPISCOPUS OVES CONCREDITAS.

E M B L E M A I I I.

Depingitur Favus.

Mel , & lac sub lingua tuâ. Cant. cap. 4. vers. 11.

Lemma. Sub linguâ munera mellis.

ANSELMUS. *Anagramma.* MEL ; SANUS.

SUB linguâ sacra Mella latent , sacra munera mellis
 PRÆSULIS en dulcis nomen , & omen habes.
 Eloquio præstas : ô quanta potentia fandi !
Mellifluumque virum nos anagramma docet.
Melleus ANTISTES , vincis dulcedine linguæ.
 Id nulli mirum ; tu *Mel* in ore geris.
 Tu *Mel* in ore geris , CHRISTI succensus amore ,
 JOSEPH *Mellifluus* dulcor in ore sedes.
 Saxeæ corda moves , mollisque hic voce *Leones*
 Nil PRÆSUL miti nomine majus habet.
 Est *Mel* mirificum Cœli quod gratia fundit ;
 Illud Cecropiæ non apis extat opus.
Fortiter ANTISTES vestrum dum lemma subintrat
 Insistens Joseph ; *Suaviter* ecce tamen.
 Est tua *Mel* , PRÆSUL , cunctis dulcissima virtus ,
 Et tibi facundo *Mellea* verba fluunt.
 Est tua mens etiam raro jucunda sapore
Mellea , quæ vestros exhilarare potest.

Melleus

Melleus & totus ; totus *Mel* cerneris esse ,
 Inte sic PRÆSUL dulcia cuncta vident.
 Doctrinâ , meritisque sacris , & corpore *Sanus* ;
 Sic meritis *Sanus* , sic quoque *Mella* dabis.

Chronicon.

ADVENIS NOBIS JOSEPH ANTISTES POPULI LUX MEL SUB
 LINGUA TUA.

E M B L E M A I V.

Exhibetur Dux , qui præcedit , & ducit populum.

Posui te Ducem super populum meum. 3. Reg. cap. 16. vers. 2.

Lemma. Dux tibi fidus adest.

DUx populi tibi fidus adest ; ad Regna polorum,
Dux bonus indubiè sic benè pandit iter.
 A Duce præsidium : cœcum ecce canicula ducit ,
 Et canis auxilio , quò benè tendat , habet.
 Nè ruat in foveam , præcepſque per avia tendat ;
 Cœcus agit tutus dùm præit ille canis.
 Quam multi in scelerum tendunt cœco impete fossam ;
 Dùm Ducis auxilium , qui benè ducat , abest.
 ANSELMUS JOSEPHUS adest *Dux fidus* , euntes
Ducet , ab exitio furripietque suo.
 Deviat hic nunquam , quam Religionis avitæ est
 Cultor , nec falsi labe notatus adest.
 Hic non seducet , ducet ; sed prævius ibit
 Exemplo , quo nil firmitus esse potest.
 Imperio utque præest , gnarus virtute præire ;
 Formaſque JOSEPHUS , vivaſque norma gregis.
 Illius Ductu recto grex tramite tendet :
 Illo non poterit devius ire *Duce*.
 Haud equidem invideo , grator magè dummodò salvus
 Prudenti tali grex queat esse *Duce*.
 Prævius hic *Dux* fit nemo jam devius ibit ;
 Dùm tam præstanti stat *Duce* certa falus.
 Quam benè Mitra illi jam parta per ardua fulget ;
 Mitratusque comas verticis ornat apex.
 Virtute effulget , dignus Mitrâſque , pedomſque ,
 Virtuti semper gloria vera comes.
 JOSEPHUM jam ſpecto *Ducem* , non lumina fallunt ;
 Optatum tandem cernit adesse patrem.

Ecce

Ecce Ducem spectat, cupidisque amplexa lacertis;
 Gaudet ad illustres oscula ferre manus.
 Nobilitas cum plebe etiam quoque plaudit, avetque;
 Conscia lætitiæ reddere signa suæ.
 Dùmque venis, venit illa etiam tibi pectore plaudens,
 Et gestit titulis plaudere læta tuis.
 Ut te PRÆLATO exultat, sibi ducit honori,
 Dignus quem tanti muneris ornet apex.
 Plaude ô plaude tuo PRÆSUL VENERANDE decori,
 Dùm *Ducis* & capitis sceptrum verenda capis.
 Ductor adi regimen, dignissimus ipse ducatu es,
 Et valido sacram dirige Marte ratem.
 Dux pugilum, gymnasta Ducum, duc pignora Marti
 Sacra, tuo ductu, bellaque sacra doce.
 Duc Clerum venerande tuum, Rege ductor alumnos,
 Utque facis factis, quæis præes usque præi.
 Usque præire Ducum est, pugiles animentur ut armis
 Inveniat tutas te *Duce* quisque vias.
 Hoc tibi quadrat onus, nec te labor iste gravabit,
 Firma atlanthææ roborâ mentis habes.
 Illud onus cum laude feres sic auguror, indè
 Fulgebis, pariet curaque tanta, decus.
 Ex animo optamus longos tibi Nestoris annos,
 Qui nos Nestoreâ tam benè mente Reges.
 Vivat, honoretur PRÆSUL, laudetur, ametur:
 Dùm cernit vultus Urbs tua læta tuos.

Chronica.

UT PHOEBUS VARIIS VIRTUTUM RADIIIS SUCCENSUS, JOSEPH
 AC ANTISTES GENEROSUS OMNIBUS OVIBUS EI SUB-
 JECTIS DUX.

E M B L E M A V.

Representatur Pastor cum grege.

Custodiet sicut Pastor gregem suum. Jerem. cap. 31. vers. 10.

Lemma. *Custodit Pastor Ovile.*

INsomnis quam gaudet oves in gramine læto
 Lanigeras Pastor pascere, servat eas.
 Nè noceat, quandoque rapax sic turba luporum,
 Nec desunt Comites sedula turba, canes.
 Colligit errantes, *Custodit Pastor Ovile.*
 In promptu Ratio est; diligit usque suas.

Sanaque

Sanaque commissis ovibus dat pabula *Pastor* :

Sic pascit magnâ sedulitate gregem.

Subjecti sunt PRÆSUL oves , tu *Pastor* es ille

Doctrinæ sanæ das alimenta tuæ.

Ut vigilans *Pastor* totum *Custodis* ovile ;

Noxia nè serpant toxica , *Pastor* ades.

Ut *Custos* ovium cunctos sic tollis abusus.

Pro vestris animam ponis ubique tuam.

Officium *Pastoris* agis DIGNISSIME PRÆSUL.

Ut salvas facias , quas Deus ecce dedit.

Chronicon.

JOSEPH OVIUM CUSTOS OVIBUS SUIs SALUTARIA
PANDIT PABULA.

E M B L E M A V I.

Demonstratur navis tumidis undarum fluctibus exposita:

Ascendit ad illum in navim. Marci cap. 6. vers. 51.

Lemma. Ascendit ad illos in navim.

Quid video ANTISTES JOSEPH? mare fluctibus horrens,
Quò tamèn adversis fluctibus ire paras?

En indignatum , magnis stridoribus æquor ;

Vasta procellosi quam furit ira freti.

Invida tempestas fati subducere tentat

Lumen & æternâ tollere nocte diem.

Cymba licet tumidis hæc fluctuet icta procellis :

Navigii Rector mente fidelis ades.

Vita , mare est tua cymba patet DIGNISSIME PRÆSUL ;

Et tibi subjecti nocte , dieque juvant.

Et licet insurgant fluctus ; *Ascendit ad illos*

In navim , ut rectè dirigat usque *ratem*.

Subjectosque docet mundi vitare charybdim ;

Ut quisquis caveat cuncta pericla sibi.

Turbatum crebris agitur fluctibus æquor ;

Et fremit alternis ventus , & unda minis.

Nauta per æquoreas moderatur vela per undas :

Nunc huc ; nunc illuc quando agitata rates.

Non varias metuit scyllas ; mundique charybdes ;

Nec timet inferni flamina sæva noti.

Sic cupis optatum vestris ostendere portum ,

Navita sollicitus sic eris usque tuis.

Hæc mea musa canit , laudes cecinisse triumphas ;

Optamus vobis Regna superna simul.

Chronicon.

VENIT JOSEPH PRÆSUL DEXTERITATE GREGIS, ET NAVIS
REGIT GUBERNACULUM.

E M B L E M A. VII.

Exponitur annulus.

Dare annulum in manum ejus. Luc. cap. 15. vers. 22.

Lemma. Annulus ecce typus fidei.

Annulus ecce typus FIDEI; nam sponsa fidelis

En *Anversa* tua est, hæc modò juncta tibi.

Ille tenax *Fidei*; vincto sociata jugali

PRÆSUL vestra *Fides* intemerata manet.

Ast ubi certa *Fides*; probitas, pietasque coruscant,

Et stat legitimo fœdere junctus amor.

Fœdus amicitiae manet inviolabile pignus

Pacis, & indè domus sponsa fidelis erit.

Grex tuus est uxor, JOSEPH DIGNISSIME PRÆSUL,

Viribus ex totis dilige PRÆSUL eam.

Cordibus ex multis conjunctis efficis unum:

Sic unum, ut maneat corpus, es una domus.

Chronicon.

JOSEPH ANSELME ANTISTES ANTVERPIENSIS ANNULUS
OVIBUS LABORIS, ET FIDELITATIS TUÆ TYPUS.

E M B L E M A. VIII.

Exhibetur Pastorale pedum.

Data est à domino potestas vobis. Sap. cap. 6. vers. 4.

Lemma. Hæc vestra potestas.

A summo JOSEPH DEO tua tota *Potestas*;

Quippè *Potestatis* vis satis ampla tibi.

Pondus, & Imperium PRÆSUL non irrita sanè:

Pastorale Pedum signat, & illa docet.

Jure *Potestatis* submitunt Colla supremo

Subiecti, leges, tempus in omne tenent.

Jure *Potestatis* PRÆSUL tua jussa sequuntur;

Jure *Potestatis* tradita cuncta tibi.

Respice PRÆSUL, ades; quanta hæc modò vestra potestas.


Pastorale Pedum ducit amore suos.

Jure *potestatis populi* moderaris habenas;

Jure *potestatis* subdita corda tibi.

Chronicon.

PRÆSUL, PASTORALE PEDUM PIETATIS, ET AUCTORITA-
TIS VIVÆ NUTRIX.



Chronicon.

VIVAT JOSEPHUS DECIMUS - QUARTUS ANTVERPIENSIS
EPISCOPUS.

O D E R Y T H M I C A.

I.

A Nimosè jam lætare
Celebris *Antverpia* :
Decet PRÆSULEM amare ,
Cordis abundantia.
Fac honores , fac decores
Novum hunc ANTISTITEM ,
Nam salutem per virtutem
Docet admirabilem.

I I.

Rexit ille *Ruremundam*
Justo moderamine ;
Mentem novit hanc facundam
Recto rerum ordine :
Animas solatur fientes
Magnis in angustiis
Adjuvat & has gementes
Pressos in miseriis.

I I I.

Velut *Ivo* monstrat rectam
Viam in Justitiâ :
Vitam docet & perfectam ;
Absit hinc mæstitia.
Pascit oves Pastor bonus
Summâ vigilantia :
Animarum portat onus
Animi constantia.

I V.

Tandem Pastor nobis venit
Gregem scit dirigere ;
JOSEPH mæsta corda lenit ,
Gregem vult diligere ,
Si sit opus , erit scopus
Pro grege configere.
Pacis chordâ nectet corda ,
Sic vult benè regere.

V.

Gratus venis , PRÆSUL lenis
Fortiter , & suaviter :
Non hic tonat , benè sonat ,
Certè non hic acriter.
Tuum stemma , tuum lemma ,
Docet nos dulcedinem ,
JOSEPH findis , & Præscindis
Hic amaritudinem.

V I.

Vivat vivat noster MYSTES ,
In æterna sæcula ;
Vivat MYSTES & ANTISTES.
Mundi velut facula ,
Venit ille Benedictus
Domini in nomine
Maneat sic hic invictus
Fausto Cæli omine.

Chronicon.

VIVAT EPISCOPUS ANTVERPIENSIS FIDUS OVIUM CUSTOS.

Ità ex Intimis cordis medullis acci-
nebant ILLUSTRISSIMÆ , ac RE-
VERENDISSIMÆ DOMINATIONIS
vestræ humillimi , obsequiosissimi-
que famuli tui Conventus Antver-
piensis F. F. Capucini.



